

Колхозмуд болн совхозмуд 20 сай гектарт тәрә хурачкв

Орн-нутгар буудән культу-рин ургъц хуралгън улм өргәр делгрдж йовна. Июлин 15 күртл колхозмудар болн совхозмудар 20 сай шаху гектар газрин тәрән хурагдв. Ниднин джил иим цагла хурагдсн тәрәнә тоогъас эн 15 сай гар ик болдж гарчана.

Украин, Азербайджан, Грузия тәрәнә газран өрәлдүләд хурачкв, Молдав болхла гурвна кесн хойр хүвинь хурачкв. Северн Кавказд намрар тәрсн буудән ургъц хурагддж дуусгад, ода хаврар тәрсн тәрәнә ургъц хурагддж бәәнә. Тәрәнә гурвна кесн хойр хүвинь хаддж бааллгдәд, дакад цокдж авгдв. Центральн Черноземн полоса намра тәрсн күс-дун-

дур сай газрин ургъц хурагъад авчкв.

Ода болчксн тәрәтә газрин меджәнъ—Грознас авн экләд, Тула, Рязань балгъсдар дәврәд, Челябинскүр өөрддж йовна. Южн Уралд тәрә хуралгън эклчкв. Хавра тәрсн цагъан гуйрин буудән ургъциг делгү хурах цаг өөрддж йовна. Эн тәрәнә ик-зунь Казахстана болн Сибирин эмнг бәәсинь хагълдж тәргдсн газрмудар бәәнә. Цагъан гуйрин буудә ода толгъалад, цецглдж бәәнә. Кесг райодар буудәнә могълцгрджана.

Өмн үзгт ода горчиц, тәмк, тосна культур хуралгън эклчкв. Украинд лен-долгунецин ургъц болджана.